

渾河記

王荳

渾河卽桑乾河從保安舊城過沿河口通石港口直抵盧溝河
 宋蘇轍渡桑乾詩北渡桑乾冰欲結心畏穹廬三尺雪南渡桑
 乾風始和冰開易水應生波蓋桑乾下流爲渾河渾河流爲盧
 溝以其濁故呼渾河以其黑故呼盧溝燕人謂黑爲盧本一水也渾河
 奔騰澎湃勢如殷雷亦曰小黃河跨河板橋甚欹行者率猿臂
 度毛骨盡竦萬歷戊子秋九月十六日聖駕還自壽宮駐蹕功
 德寺明日幸石景山觀渾河上先登中板橋諸臣翼而趨中流
 顧問輔臣水從何來申時行對曰從大漠經居庸下天津則朝
 宗於海矣上曰觀此水則黃河可知因勅河臣亟脩堤岸毋妨

道藏輯要

天下名山記
直隸渾河王

三

軫集一
川火三

漕計諸臣頓首謝

